

Հաստատված է

Վավերացնում եմ

ՀԱԱՀ գիտական խորհրդում

ռեկտոր

Ա. Թարվերդյան

„-----“, ----- 2016 թ.

„-----“, ----- 2016 թ.

(արձանագրություն № )

## ՀԱՅԱՍՏԱՆԻ ԱԶԳԱՅԻՆ ԱԳՐԱՐԱՅԻՆ ՀԱՄԱԼՍԱՐԱՆԻ

### ՈՒՍԱՆՈՂԱԿԱՆ ԽՈՐՀՐԴԻ

#### ԿԱՆՈՆԱԴՐՈՒԹՅՈՒՆ

##### 1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Հայաստանի ազգային ագրարային համալսարանի (ՀԱԱՀ) Ուսանողական խորհուրդը (այսուհետ՝ Խորհուրդ) ուսանողների ինքնակառավարման, ներկայացուցչական, ընտրովի բարձրագույն մարմին է:
- 1.2. Խորհուրդը իր գործունեությունն իրականացնելիս առաջնորդվում է ՀՀ Սահմանադրությամբ, ՀՀ օրենսդրությամբ, ՀԱԱՀ կանոնադրությամբ և սույն կանոնադրությամբ:
- 1.3. Խորհրդի կողմից իրականացվող աշխատանքներին և ծրագրերին կարող են մասնակցել ինչպես ՀԱԱՀ, այնպես էլ ուսումնակրթական այլ հաստատությունների ուսանողները:
- 1.4. Խորհրդի կանոնակարգը և դրանում կատարվող փոփոխություններն ու լրացումները հաստատվում են ՀԱԱՀ գիտական խորհրդի կողմից:
- 1.5. Խորհուրդը, ելնելով իր նպատակներից և խնդիրներից, կարող է ինքնուրույն կապեր հաստատել ՀՀ և արտերկրի հասարակական, ուսումնակրթական և այլ կազմակերպությունների հետ:
- 1.6. Խորհրդի հարաբերությունները ՀԱԱՀ ղեկավար մարմինների հետ կարգավորվում են ՀՀ օրենսդրությամբ, ՀԱԱՀ կանոնադրությամբ, սույն կանոնադրությամբ և ՀԱԱՀ ռեկտորատի, գիտական խորհրդի ու խորհրդի համապատասխան որոշումներով:
- 1.7. Խորհուրդն իր խնդիրների լուծման համար համագործակցում է ՀԱԱՀ ամբիոնների, արհմիության, Ուսանողական գիտական ընկերության և այլ ստորաբաժանումների հետ:

1.8. Խորհրդի անվանումն է **հայերեն՝** Ուսանողական խորհուրդ, **ռուսերեն՝** Студентческий Совет, **անգլերեն՝** Student Council, կարճ անվանումն, **հայերեն** ՈւԽ, **ռուսերեն** СС, **անգլերեն** SU:

## 2. ԽՈՐՀՐԴԻ ՆՊԱՏԱԿՆ ՈՒ ԽՆԴԻՐՆԵՐԸ

2.1 Խորհուրդն արտահայտում և պաշտպանում է ուսանողների իրավունքները, սոցիալական շահերը, նպաստում ուսումնականության հիմնախնդիրների լուծմանը, ուսանողական ինքնակառավարման զարգացմանը, ուսանողության հոգևոր զարգացմանը, ազատ ժամանցի, հանգստի, մշակութային և մարզական կյանքի կազմակերպմանը:

## 3. ԽՈՐՀՐԴԻ ԿԱՌՈՒՑՎԱԾՔԸ

3.1 Խորհրդի բարձրագույն մարմինը ուսանողների ներկայացուցիչների ընդհանուր ժողովն (այսուհետև՝ Ժողով) է, որը հրավիրվում է առնվազն երկու տարին մեկ անգամ:

Ժողովը ձևավորվում է ներկայացուցչական սկզբունքով՝ ցերեկային ուսուցման 20 ուսանողներից ընտրվում է մեկ պատվիրակ, հեռակա ուսուցման 100 ուսանողներից մեկ պատվիրակ:

### 3.2 Ժողովը՝

- ա) ընդունում է Խորհրդի կանոնակարգը, կատարում է փոփոխություններ և լրացումներ,
- բ) լսում, քննարկում և հաստատում է Խորհրդի նախագահի (այսուհետև՝ նախագահ) հաշվետվությունը,
- գ) փակ գաղտնի քվեարկությամբ ընտրում է Խորհրդի նախագահություն (այսուհետև՝ նախագահություն):

Ժողովն իրավասու է որոշումներ ընդունելու, եթե ներկա են պատվիրակների առնվազն 2/3-ը:

Սույն կետի <<ա>> ենթակետով սահմանված հարցերի քննարկման ժամանակ որոշումներն ընդունվում են մասնակիցների ընդհանուր թվի 2/3-ով, իսկ մնացած դեպքերում՝ ձայների պարզ մեծամասնությամբ: Արտահերթ Ժողով կարող է հրավիրվել Խորհրդի նախագահի և Խորհրդի նախագահության պահանջով:

3.3 Ժողովների միջև ընկած ժամանակահատվածում Խորհրդի աշխատանքային գործունեությունն իրականացնում է Ներկայացուցչական մարմինը, իսկ Ներկայացուցչական մարմնի նիստերի միջև ընկած ժամանակահատվածում՝ Նախագահությունը, որը նիստեր է գումարում առնվազն ամիսը մեկ անգամ:

3.4 Ներկայացուցչական մարմինը ձևավորվում է համամասնության սկզբունքով՝ ցերեկային ուսուցման 100 ուսանողներից մեկ անդամ, իսկ հեռակա ուսուցման 500 ուսանողներից՝ մեկ անդամ: Ֆակուլտետային ուսանողական խորհուրդները նախապես ներկայացնում են Ներկայացուցչական մարմնի անդամների թեկնածուների համամասնական ցուցակը:

3.5 Ներկայացուցչական մարմինը իրավագոր է, եթե մասնակցում են Ներկայացուցչական մարմնի անդամների առնվազն 2/3-ը: Ներկայացուցչական մարմնի նիստերը կարող են հրավիրվել նաև Ներկայացուցչական մարմնի անդամների 1/3-ի պահանջով:

3.6 Նախագահության նիստերը իրավագոր են, եթե մասնակցում են Նախագահության անդամների առնվազն 2/3-ը: Նախագահության նիստերը կարող են հրավիրվել նաև Նախագահության անդամների 1/3-ի պահանջով:

3.7 Նախագահության կազմը և կառուցվածքը սահմանում է ուսանողների ներկայացուցիչների ընդհանուր ժողովը:

3.8 Նախագահությունը՝

ա) նախապատրաստում և հրավիրում է Խորհրդի ժողովները, նիստերը, հետամուտ լինում ընդունված որոշումների կենսագործմանը, քննարկում ընթացիկ հարցեր,

բ) մշակում է Խորհրդի ընթացիկ և հեռանկարային ծրագրերը, հաստատում և համակարգում է կուրսերի, ֆակուլտետների և հանրակացարանների ուսանողական խորհուրդների, մագիստրանտների խորհրդի ծրագրերն ու աշխատանքները,

գ) առաջարկություններ է ներկայացնում կանոնակարգը լրացնելու, փոփոխելու համար,

դ) որոշում է կայացնում Խորհրդի պատվավոր անդամի կոչում շնորհելու մասին,

ե) վավերացնում է ընկերության անունից կնքած պայմանագրերն ու համաձայնագրերը,

զ) առաջարկում է թեկնածուներ ՀԱԱՀ ստորաբաժանումների և կառույցների

կազմում ընդգրկելու համար,

է) ամփոփում և վերլուծում է ուսանողների ընթացիկ առաջադիմության, ուսումնական կարգապահության վիճակը,

ը) լավագույն ուսանողներին ներկայացնում է խրախուսման, առաջարկում է անվանական կրթաթոշակների թեկնածուներ:

Սույն կետի <<զ>> և <<դ>> ենթկետերով սահմանված հարցերի քննարկման ժամանակ որոշումներն ընդունվում են մասնակիցների ընդհանուր թվի 2/3-ով, իսկ մնացած դեպքերում՝ ձայների պարզ մեծամասնությամբ:

3.9 Նախագահությունը ներկաների ձայների պարզ մեծամասնությամբ 2 տարի ժամանակով ընտրում է Խորհրդի նախագահ, նախագահի տեղակալներ և քարտուղար:

3.10 Խորհրդի նախագահը՝

ա) համալսարանի ռեկտորատի և գիտական խորհրդի անդամ է,

բ) ղեկավարում է խորհրդի աշխատանքները,

գ) համակարգում է ֆակուլտետային Ուսանողական խորհուրդների աշխատանքները,

դ) ներկայացնում է ՀԱԱՀ Ուսանողական խորհուրդը,

ե) Նախագահությանը ներկայացնում է թեկնածուներ Խորհրդի պատվավոր անդամ շնորհելու համար:

3.11 Տեղակալները կատարում են նախագահի հանձնարարականները: Նախագահի բացակայության դեպքում նախագահի հանձնարարությամբ, նախագահի տեղակալներից մեկը համակարգում է Խորհրդի բոլոր աշխատանքները:

3.12 Քարտուղարը համակարգում է քարտուղարության աշխատանքը: Քարտուղարի բացակայության դեպքում քարտուղարության աշխատանքները համակարգում է Խորհրդի նախագահը:

3.13 Սույն կանոնակարգով չնախատեսված և դրանում չընդգրկված այլ հարցերը կանոնակարգվում են ՀԱԱՀ կառնադրությամբ և Խորհրդի որոշումներով:

#### **4. ՖԱԿՈՒԼՏԵՏԱՅԻՆ ՈՒՍԱՆՈՂԱԿԱՆ ԽՈՐՀՈՒՐԴՆԵՐԸ**

4.1 Ֆակուլտետային Խորհուրդը մշակում է ծրագրեր, որոնք ուղղված են խորհրդի կանոնադրական նպատակների և խնդիրների իրականացմանը:

- 4.2 Ֆակուլտետի Խորհրդը ընտրում է ֆակուլտետի Խորհրդի նախագահ, նախագահի տեղակալներ և քարտուղար:
- 4.3 Ֆակուլտետի Խորհրդի նախագահության նիստերը հրավիրվում են առնվազն ամիսը երկու անգամ, իսկ արտահերթ նիստերի դեպքում խորհրդի անդամների 1/3-ի պահանջով կամ նախագահի պահանջով:
- 4.4 Նիստն օրինական է, իսկ որոշումներն ընդունվում են, եթե նիստին ներկա են անդամների առնվազն 2/3-ը:

## **5. ՄԱԳԻՍՏՐԱՆՏՆԵՐԻ ԽՈՐՀՈՒՐԴ**

- 5.1 Մագիստրանտների խորհուրդը (ՄԽ) մշակում և իրականացնում է ծրագրեր, որոնք ուղղված են Խորհրդի կանոնադրական նպատակների և խնդիրների իրականացմանը:
- 5.2 ՄԽ ժողովն ընտրում է նախագահություն, խորհրդի նախագահ, նախագահի տեղակալներ և քարտուղար:
- 5.3 ՄԽ նախագահության նիստերը հրավիրվում են ամիսը առնվազն երկու անգամ: Արտահերթ նիստ հրավիրվում է նախագահի կամ նախագահության անդամների 1/3-ի պահանջով:
- 5.4 Նիստն օրինական է, եթե դրան մասնակցում է անդամների առնվազն 2/3-ը, իսկ որոշումներն ընդունվում են անդամների ձայների պարզ մեծամասնությամբ:

## **6. ԽՈՐՀՐԴԻ ԳՈՐԾՈՒՆԵՈՒԹՅԱՆ ԴԱԴԱՐԵՑՄԱՆ ԿԱՐԳԸ**

- 6.1 Խորհուրդը իր գործունեությունը դադարեցնում է ընդհանուր ժողովի մասնակիցների առնվազն 2/3-ի որոշմամբ:
- 6.2 Խորհրդի լուծարումից հետո նրա ամբողջ գույքը և այլ միջոցները պատկանում են ՀԱԱՀ-ին: